

# 西山述略

西山阮文岳其先父安宜春縣人。黎陽德年間先朝據有七縣。遂移其民居之後乃生岳。岳初爲雲

屯下吏既而負官錢因逃爲盜。有手下百餘人寇掠州里鎮將不能制。自稱天王紀元泰德據

歸仁城。

丁酉二十七年景興二  
十八年岳與其弟惠舉兵犯富春京孝定帝航海狩嘉定城我高皇帝與之俱是年九月文

岳犯駕孝定帝崩我高皇遂之逼羅國居焉岳遂有隘雲以南諸地。

壬寅二十八年岳納鄭通臣阮有整時岳素有吞併順化之志而無與計事至是得整來奔岳大喜遂

納之。

丙午二十九年景興四  
十七年三月阮有整爲岳陳取順化機宜請發兵取富春岳從之

四月岳命其弟惠節制水步諸軍壘武文任爲左軍都督整爲右軍都督望富春直發。

五月岳軍攻富春拔之整因勸惠乘勝取昇龍京

六月惠犯京師鄭端南王棕敗殂

七月惠陽尊黎皇帝於敬天殿行朝謁禮

是月黎帝崩黎皇元孫維祚卽皇帝位改元昭統

八月文岳以惠南歸整追岳及於東海岳不許整回國整因留乂安

岳及惠至自昇龍惠遂居富春城稱北平王

丁未昭統元年 阮有整以乂安兵逐鄭晏都王樞。

黎皇以有整輔政賜爵鵬郡公。

是年冬。黎皇使吳儒知止人陳功燦安偉人致方物及國書于惠。言南北各守封疆。不宜越分。惠大怒。密令投儒、功燦等于海。遂遣節制任督步軍太尉調督水軍都督陳暕先鋒直指昇龍進發。時西山軍過乂安。朝廷得報。先於雲牀澗屈江陳船列礟準備。暕佯爲不敢進。只於沿海日夜張旗。擊鼓。官軍亦輕視之。暕乃令沿江伐林木投江塞流而下。潛遣善水者夜乘浮木渡江。伺軍中睡熟。盡曳船北向。賊屯中遂舉號濟師鏖戰。舟兵驚起。發砲反射。官軍大潰遁走。

戊申昭統二年正月 西山兵犯昇龍京。

黎皇幸海陽。西山兵追之。有整父子皆被執。

惠以武文任鎮昇龍。鄧暕鎮清華。暕良舍人鄧義訓之後

黎皇使黎岱陳名案奉皇后如清乞師。

夏。惠殺其臣武文任。时任在鎮。或訴言任僭弄。惠托爲北巡。任出拜謁。遂執而殺之。

惠以大司空吳文楚內侯麟鎮昇龍。惠還自龍。

秋。黎進士吳時仁。

左青威人  
號希尹

阮嘉璠

安龍人

潘輝益

收穫人

鄉貢吳爲貴

左青威人

段阮俊

海安人

等如富春謁惠。

嗣後如清東

以潘輝益爲殿中侍御史。貴俊充翰林院

按俊倅之子居鄉架屋于花園。名風月巢。嘯詠其間。自號巢翁。似能以巢父自許也。今乃忘情故園。屈膝虜廷。不托興於草花。而捷身於翰苑。不閒吟於風月。而服屬於星槎。想俊之身。未嘗得一日安於其巢也。安得以非負期哉。瑞岩贈詩有云。花塢非君負故巢。

冬十一月。惠自稱皇帝。改元光中。

是月。黎皇以清師收復京城。

己酉二月。光中。正月。惠大破清孫士毅之師於昇龍。

黎皇北狩。

還用時任計。遣任如清賂。清閣臣和珅以止援。又卽令天下。臣民推保。惠爲王。以詞附表奏于清帝。時故參從裴輝璧託盲疾不肯署名。惠使脣之點指。

惠置各縣左右管理。又以土豪爲縣長。使督兵糧。左管主辭訟。右管以掌奇爲之。率轄內奇兵。屯在本轄。每總各差衛兵一丁。夜間巡察。由是盜賊屏息。邑門不閉。

大饑。民婦有自賣者。世說。海陽有一婦頗姿色。貫近僞屯。屯長見而悅之。婦乃謂其夫曰。今歲歉。上有親。下有妻子。無以贍養。妻請君託爲妾兄。賣妾與屯長。夫許焉。得錢一百緡。及歸。婦自縊于房。屯長驚問其夫。夫以情告。屯長令之收

葬。而悉許其原餌。

(評)凶年饑歲。若人一至此哉。雖然。婦寧死其身而不忍死其家。噫。亦可謂賢矣。其視賣國圖存之輩。奚啻霄壤矣哉。

夏吳時任還自清。

惠發信牌。從吳時任之計也。牌以木爲之外包花紋。內書民丁姓名年貫。有花押印跡。令民發領在衙。凡出商賣者懸之頸下爲憑。無是卽爲邪黨。不得通行。其法之行寔自此始。時民畏惠威猛。爭出領牌。民丁數致有虛增控受者。而左青威處民爲愈困矣。

秋清使王撫棠等冊惠爲安南王。

惠使潘輝益等往接清使。

阮岳殂。其子小朝自立。是爲王。

冬惠使吳爲貴充謝恩使。

庚戌1790春惠陞吳時任爲兵部尙書爵晴派侯。

夏惠使殿中侍御史潘輝益工部待詔尙書武惟瑨黎鄉貢  
嘉澤人及翰林學士段阮俊等同都督阮有振如清時乾隆帝八旬大壽也。先是清帝馳誘惠親行祝嘏。惠固辭。輝益等奏惠請行權。惠乃冒使振代行。而使益等扈覲。

惠命時任留待管領使事。尋加翊運功臣遷侍中大學士監知昇龍。

夏吳爲貴還自燕京。

是時故黎進士往往以文學鳴世。時任欲使諸公同汚。乃訴于惠。餌之以官爵。不至者拿之以兵。盛烈裴輝璧託盲疾辭却。任以書招寶篆陳名案。案答書以狗彘斥任。任慚不敢屈。致貝溪黎輝簪。

國朝乾政殿大學士。

華堂范貴適。

國朝侍中  
大學士。

忠勤阮璫。

山西

羅溪吳坦。

國朝典  
化叶鎮

雲耕陳伯

國朝典

領北高諒等處督學。

覽北城春毯阮加吉。

吉後隨義調我高皇於嘉定。以爲禮部左參知。本使陞尚書。後以事獲咎。

全裴揚瀝。

乂安

多仕黎仲穎。

皆望望逃去。貴適賦詩

有「戴天交涕淚避地。各沉浮」一輝簪常自誓曰。不死則逃遁山林。決不肯爲之臣僕。坦、仲穎後皆爲所獲。坦質其子。始得放釋。穎不得已出爲渭濱督學。數月復託疾辭去。其餘士費黃平政。右青威阮衡。仁睦阮貴班等。皆受辟召。登顯官。惟香篆阮登隣請行知縣。原隣娶黎皇之妾。凡事惟其所命。一日婦赴墟。問相者。我當配何官樣。其人謂只做縣尹妻。不然必夭。乃歸語隣。故隣就是職。惠還自昇龍。

以大司馬吳文楚內侯璘。同次子垂。鎮昇龍。以宣鎮清華。鄧暉。大都督掌大天雄軍。使煉烏鎗藥。七月振等至燕京。時清帝北巡避暑。馳報振及陪臣抵熱河行宮瞻謁。清帝賜以詩。有一「伊古未聞來象國。勝朝往事鄙金人」之句。輝益奉和。帝批詩亦妥。厚加賞格。及回燕京之西苑。賜得連旬進謁。還國日。又宣召輝益等入光明正大殿。使立玉墀旁。親酌飲之。

十二月。振等還自燕京。至棟營。輝益因跌傷足。遂表于朝。請免朝謁。暫留調養。

辛亥二十九光中

四年

內侯璘執黎皇弟袖于保樂併滅演郡公家。初袖依滨州以圖恢復。有訴于司馬楚。

楚使璘誘演執袖殺之。璘乃託開酒席。演父子等五人。皆賜錦花袍紅綢紗巾。列坐燕飲酒半酣。璘落匙銅盤舉號。西山軍遂執演父子斬之。因卽其地置河陽鎮。留都督員以弁兵五百戍守而還。

河陽戍殲于齊。初演之難。演弟齊在外得脫。至是大聚土兵圍裏賊屯。盡收戍兵一皆誅了。惟都督鎮員獨得奔回及西山軍至拿齊不知所之。

惠置秘書官。每月六期講讀書史。惠不學不知書所謂。一日問秘書曰。書中記甚事。對曰。書記帝王善惡之迹。與廢之由。使後世知所鑒戒。曰。既如此。自古有擊吳否。對曰。我國陳興道擊吳於白藤江。黎太祖擊吳於東關城。然皆擊彼之來。未有自來擊之者。惠曰。我今將擊吳。使汝看。

惠勅工部打繕戰衣。而委大臣冢妾收貯。期滿二十萬領。頒給軍士。刻日直搗廣西境。攻掠時。惠方入院。看察間。有太尉調之妾黃氏。陽爲不知。惠在謂全輩曰。今狃勝而擊吳。然彼大而我小。倘若不勝。將如之何。不若自治其民。自食其土。何事遠求。惠聞之大喝曰。彼何人。敢阻吾軍事。立差送黃氏投海。既而悔曰。彼言亦有理。卽命赦之。北寇之役遂止。黃氏故黎大將  
黃義膠之後。

(評)一言罷兵。亦其仁人哉。

壬子 1792 光中 五年 時惠正室已沒。惠使吳時仁致書廣西總督使爲求婚于清帝。

是年惠殂。惠髮鬚而瘡。一目細而眼睛甚異。昏坐無燈。光射燭席。臨戎制勝。英威凜烈。故能北平南定。所向無前。在位五年。不立法令條約。詞訟皆口處分。罪囚皆以棍論決。中外諸臣亦畏其威。無敢或干贓賄者。平日嘗畏我高皇之爲人。疾革。謂其臣下曰。彼必能復國。或言彼出臣等請戰者。惠曰。汝勿爲大言。我今日死。明日彼必出。我明日死。次日彼必出。汝存使汝看。遂殂。子允自立。大赦改元。景盛。札唇掀齒潤。

論曰札以藐弱之資。當杌陧之勢。內則康公宣公辱辱一二孤幼。外則司徒少傅。赳赳五六武夫。以與我高皇角勝。其面縛爲虜。宜哉。

癸丑 1793 札景盛元年 札如昇龍受清冊封。時清使求至富春。札遂于下洄社假築宮墓。而誑道自山西周行限一個月。至半途。清使曰。此西方也。何以詒我。遂復卽昇龍行封吊禮。札南還。進攻歸仁城。執小朝日殺之。

甲寅 1794 景盛二年 我高皇以河郎兵還攻延慶府。克之。

札守將權郡公率水師軍歸于我。遂縱火焚西山水屯。

帝乃乘勝取歸仁皇帝城。

或問黎皇以清兵。我高皇以洋兵。皆倚援外國也。而黎以之亡。我以之興。莫是仙童北去。地課安排。七代還都。天書預定。天命使之然耶。曰廢興固本於天。而尤係於人。彼賞豬問鍋。黎皇非是帝王氣象。安得與我高皇比哉。此成敗之所以異也。

清將孫士毅營軍苦提。昭統帝就謁之。士毅使人送帝還宮。帝還寧市見一大猪。及大銅鍋。問而稱之。及併人回。毅問汝見國王舉動如何。其人共說如此。毅太息曰。賞豬問鍋。非常王氣象。我輩休矣。

西山自庚戌以來。年比豐稔。海內安平。粟每貫得百斗。民間藏圃。歌管相聞。然北圻士民皆厭西山。而思真主。自嘉定平後。每南風至。輒相謂曰。此翁種風也。

論曰。人心之所歸。卽天命之所在。觀人心如此。彼欲不亡。我欲不興。得乎。

札置各社訓科使掌社內辭訟。

札殺黎太師。其子黎尊質叛降于我。

札使人齋密詔至昇龍殺大董理。

己未

1795  
景盛  
七年

清乾隆帝崩。札使奉進香表有曰。圓傘山青瀘水碧。望窮臣國之烟嵐。斗樞星轉女

牛寒。感動天家之雲物。時任之作也。

昇隆真武觀僵榕樹自起立。時有大蠻使使至觀之。曰。此西方無有也。

論曰。榕樹微物也。此何以記。國家將興必有禎祥。孝宣中興。上林僵柳自起立。然則此樹之立。在  
我朝再興之應乎。

庚申

1800  
景盛  
八年

春潘輝益入覲。札以爲禮部尙書。爵瑞岩侯。

昇隆烏鎗藥庫災。

札使其將司徒少傅進圍皇帝城。

辛酉

1801  
九年

五月。大軍收復富春京。札遁居昇隆。時札旣失巢穴。每欲張大誇耀。以鎮壓人心。

六月。札祀西湖方澤壇。改元寶興元年。

戶部右侍郎阮輝灑。進西湖頌體用國音。辭甚清雅。札大嘉之。亮富市人。故黎鄉貢。

冬札試課生。

十一月。札祀射堆圓邱壇。

壬戌 1802

寶興  
二年

正月札自率弟康公宣公及諸將等犯衡山關。札以大司馬外大都督封留守昇隆。

二月初五日松嶺將軍阮志西僧人及梅嶺侯。育秀人攻昇龍不克。松嶺死之初二公以先世黎臣黎亡

潛有復讐之志。松嶺才大兼人家資豐富嘗被人控魘監在司馬門一年始得釋。梅嶺精數學及兵略事多前知人謂之小孔明。設館于青威與松往來陰自結客行經十年梅嶺嘗以著筮著策察西

山興亡。迨國朝密諭北圻豪傑起義滅西山。松嶺謂梅嶺舉事。梅嶺曰其亡當在壬戌夏秋之交第

南風氣盛吾當先期取之然後歸款未晚也不然南來奪我頭功至是因札南遂往密結都督秀爲

內應以書號召四方豪傑約二月初二夜子辰各引兵殺入昇龍時諸道先到不見舉號各已散去

而西僧兵始來秀聞號乃開外城門秀坐騎在前二公相次在後秀急呼曰賊至城下請開門出戰

賊守將報曰賊至則斬汝頭城門夜不開松嶺無可奈何乃放火焚庸舍城中擾亂賊將欲棄城去

時天色已曉城上望之只見公隨後僅數十人遂縱兵下戰公已脫服行于庸街有一獄卒知之遂

被害梅嶺自是逸跡衡茅忘心弧矢嘉隆年中卒於其家。松嶺後蒙國朝褒贈。

贊曰最愛梅松凜烈寒冬一時共事千古聞風功雖不就人稱其忠莫將成敗例論英雄。

是年四月札軍偷入洞海屯不克大敗遁走我軍乘勝長驅司徒少傅等自歸仁間道逃回至乂安並被擒。

六月大駕至昇龍康公自頸札及宣公北走昌江皆爲我軍弋獲。

是月霜飛滿天西山亡。

# ●文苑

## 阮輝瑾辭徵啓

(西山時文)

阮輝瑾謹

啓愚自躡仕途。便祈解組。優閒田野三十餘秋。

客年欽奉皇上特降綸旨。差官宣召。優崇嘉獎。辭旨丁寧。愚以足疴日告懇辭。獲蒙俞允。恭奉

上德。頒下令旨。宣召淵耆引翼。註望良殷。顧愚

賦薄染深。晚年轉重。赴庭趨闕。踴勉難勝。窃以

前代之待逸民。有累徵不起。待詔畫圖。却又覆

之。以被一般猾倖。亦假涵容。有以爲前代有處士。而此時獨無密遣人入山爲處士。其所以映

清修之行。高冲挹之風。往迹昭昭。簡編具在。茲

以類齡野老辱荷殊知。如以共濟之猷。則識淺才低。恐不足以副黃髮詢謀之望。如以累朝召

命一向牢辭。今而應命一來。庶可繫人心。收士望。第老夫出處關甚輕重。朝廷行事縱未能盡

合人心。雖取重於閒人。何幹如要闢庭一面。還聽去留。卽饒巢許仁隨光。自有堯湯故轍。又何必期衰老以舟珥水履濃山。扶掖于陛庭之側。

而後還故里也耶。目今四海清夷。容一個病軀游息于文獻宇宙間。豈不顯熙朝之偉量者。伏望洞恢聖聽。曲軫微懷。俾得躡體惟神。永荷帡幪之澤。茲謹奏

光中三年歲次庚戌

## ●忠勤阮潤甫重修家宅記

得意而歸故鄉。或一二總或二三總爲之除道築第。奔走恐後。自昔以爲榮。而凡登科者皆然也。故國逋臣岌岌乎。如人將捕之。栖栖無所容焉。其邑人不誠而孚。第宅不日而就。若役使而程督之者。於今以爲榮。絕無而僅有者也。吾年潤甫驩州清漳忠勤人也。家世顯宦。丁未後通播靡定。壬戌秋進謁北城。遇予於客邸。與予

叙舊。且曰。吾避地時。吾家之在忠勤者。歲久頽委。總人爲之改作。凡五間。其規制倍於初。予甚感總人之情。子其爲我記之。吾聞貴者多挾勢以陵其鄉邑。而世家爲甚。當其得志時。邑人雖外畏之。內實不服。亦有不堪其陵而與之爲敵者。况其流離顛沛之間。肯爲之修其第宅者。若爲勢使者哉。潤甫何以得是於總人哉。潤甫曰。吾無以致之。或者吾榮鄉時先人之廬在吾總免於營築。今見其毀也。故爲之。吾見今之民不必其有所陵。亦不計其有所施於已。惟其勢之去也。則侮之施而報蓋不可必也。嘗聞驩州之人醇秀好學。此其俗歟。抑俗之美者亦多矣。何獨於驩州。猶然哉。吾知先王教化之澤。與夫天理之在人心者。有不容一概泯滅。宜絕無而僅有歟。吾亦連播人也。國亡民散。吾廬蕩焉。今病矣。將乞身而歸。得歸將無所容吾膝焉。視潤甫當何如也。潤甫勉乎哉。潤甫勉乎哉。潤甫嘗言。

年老思鄉。欲告歸。不然得本地方一學職。以往來於其鄉。果然歌於斯。聚於斯。與總人之耆舊者。談諧於斯。歌舞聖澤。而優遊太平。其樂當倍於予也。潤甫樂之。吾亦爲潤甫樂之。年弟侍中學士行奉天府督學。舊己亥科同進士少雋適安侯立齋與道甫。海陽范適記。辰癸亥陽月穀日。

## ◎古詩摘錄

▲辛未年入觀諸作

壬申秋復還北城

范立齋

★出郊

胡爲復。此行風雨出都城。轉瞬登新路。回頭見故京。

### ○發驛

舉步卽千里。乞身纔二年。汗青蒙忝竊。班白帶沈綿。風雨黃梅驛。江山白露天。郊亭揮手別。諸子故周旋。

●哭潤甫年兄

與君偕召不偕行。千古交情一死生。聚散回頭驚短夢。浮沈屈指慨同盟。早來半日心何憾。豫祭經時草未成。惆悵山陽經此路。秋風短笛不勝情。

●愛驩道中

一般秀麗一般竈。萬轉千迴到海隅。青眼重應不改白頭。相見可無羞。秋聲遠近蟬如訴。色陰晴鳥自娛。不是當初人鑿破。長年何事征途。

●過三疊山留贈清平道叶管

天入清平道。城臨浴翠山。鳳毛瞻秀彩。駿骨笑衰顏。暑雨趨程驟。風流蒞闈閒。徘徊傾蓋意。分手隔重巒。

△過崇山

秋風吹雨過山間。山帶寒溪廟帶山。死去但教成白骨。生來能不負紅顏。百年歌吹聲相續。千里經過鬢已斑。應是神仙遭謫者。一靈未免滯人寰。

★洽水溪

一溪中斷愛驪天。千里初經老病年。絡繹羣山相送去。不須萬樹更鳴蟬。

●安陽王廟

雄都開朔土。遺廟倚南陲。石削岩腰峻。沙長口移滿山遊。孔雀翥地出金龜。千古螺城月。鶻夜獨悲。

○寧公壘

寧國名存故壘荒。西風憑吊立花崗。山形盡寒流去幾箇幽禽語夕陽。

○過橫山

白沙漠漠白雲浮。碧水重重碧海流。百戰關餘故壘十分烟景入新秋。演驩界指神頭驛。隸營吞布政州。誰料北南分合意。依依一步回頭。